



16. december 2025

Inatsisartut ingerlatsinerlut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Sooruna ullumikkut piumasaqaataasoq, namminersortut inummit ataatsimit ingerlanneqartut suliffeqarfitsik matusariaqassagaat Erninerlut atatillugu aningaasaateqarfimmit erninermusiaqarsinnaatitaassagunik?**
 - a. Aaqqissuussami tassani suut innimigineqarpat, allaffissornerlut, nakkutiginninnerlut suliffeqarnerup erninermullu atasumik sulinngiffeqarnerup akornanni killigitinneqartunut tunngatillugu?**
- 2. Namminersortunut qaammammut annerpaamik aningaasat qanoq annertutigisut Erninerlut atatillugu aningaasaateqarfimmiit akiliutigineqarsinnaappat?**
 - a. Suliffeqarfiit ataatsimik inuttallit qassiit ukiuni kingullerni Erninerlut atatillugu aningaasaateqarfimmit pisimappat?**
- 3. Erninersiuteqarnerlut aaqqissuussap namminersortunut suliffeqarfinnullu minnerusunut atugassarititaasunut sunniisarnernut, Naalakkersuisut sunik eqqarsaatersuuteqarsimappat?**
- 4. Naalakkersuisut namminersortunut erninermut atatillugu atugassarititaasunik pitsaangorsaanissamik tulluussaansamillu pilersaaruteqarnerpat, angajoqqaanngornerup aammalu suliffeqaqqeqqamik ingerlatsinerup ingerlaannarnissaanut periarfissaqarnerulernissamut?**
- 5. Naalakkersuisut oqaluuserisamut soqutiginaatilinnik allanik paasissutissiisinaanerlutik?**

(Inatsisartunut ilaasortaq Napaartoq Petrussen, Demokraatit)

Tunngavilersuut

Namminersorlutik inuussutissarsiuteqartut suliffeqarfinnullu minnerusunik pigisaqartut inuussutissarsiornernup suliffeqarnerullu ineriartorneranut nunatsinni pingaaruteqartorujussuupput. Suliffeqarfiit ataatsimik ingerlanneqartut isertitaqarnissamut inuunermullu tunngaviulluinnartarput, imaannaanngitsunillu kingunerluuteqarsinnaasarlutik, suliffeqarfik matugallarneqassappat.

Tassunga atasumik misissugassaqqippooq, erninersiuteqarnerlut aaqqissuussaq namminersortunut qanoq aaqqinneqarsimanersoq, tassani suliffeqarfiup matunissaanik piumasaqaateqarnera erninersiutini pisartagaqassagaanni. Det rejser spørgsmål om balancen mellem hensynet til ordningens formål og behovet for fleksibilitet for mindre virksomheder.



Tassungalu ilutigalugu pingaartuuvooq ersarissumik paasissallugu erninersiutip annertussusaa aammalu namminersortut qanoq amerlatigisut, erninersiuteqarnermut aaqqissuussamik atuisuunersut. Taakkua paasinerisigut ersarinnerusumik nalilernerqarsinnaalissammat, ullumikkut sinaakkutaasut ilaqaqalernermut kissaataasumut tulluunnersut aammalu aallarnisaasutut- aamma inuussutissarsiortutut inuuneqarnermi attanneqarsinnaanersut.

Taamaattumik apeqquteqarnermut siunertaavoq malittarisassat maannakkut atuuttut ersarissarneqarnissaat, Naalakkersuisut eqqarsaatersuutaat aammalu tulluussaansamik pilersaarutaat, taamaaliornikkut erninersiutit pitsaasumik ingerlaannarniassammata ullutsinnullu tulluuttuullutik sulisunut tamanut assigiimmik.

Apeqquteqaatima ullut suliffiusut qulit iluanni akineqarnissaat qilanaaraara.